

ՄԻՋԵԿԵՂԵՑԱԿԱՆ

ԺՆԵՎՈՒՄ ԳՈՒՄԱՐՎԵՑ ԵՅԽ-Ի ԿԵՆՏՐՈՆԱԿԱՆ ԿՈՄԻՏԵԻ ՆԵՐԹԱԿԱՆ ՆԱԽԱԺՈՂՈՎԸ

Սույն թվականի օգոստոսի 26-ից սեպտեմբերի 3-ը ժմեում գումարվեց Եկեղեցիների Համաշխարհային Խորհրդի կենտրոնական կոմիտեի տարեկան համաժողովը, որի բացումը տեղի ունեցավ Եկեղեցական հատուկ արարողությամբ: Համաժողովին Մայր Աթոռ Ս. Էջմիածինը մասնակցում էր երկու ներկայացուցիչներով՝ հանձինս Գերաշնորհ Տ. Աղան արքեպս. Պալիոզյանի և օրիորդ Սիլվա Ղազեյանի:

Ընթացիկ հարցերի քննարկումից և պատգամավորների հաշվառումից հետո, անդրանիկ միատուն լսվեցին և գնահատվեցին ԵՅԽ-ի ատենապետ Ն.Ա.Օ.Տ.Տ. Արամ Ա Սեծի Տամն Կիլիկիո Կաթողիկոսի, ինչպես նաև ընդհանուր քարտուղար դոկտոր Կոնրադ Ռայգերի տեղեկագրերը:

Երեկոյան Ուղղափառ Եկեղեցիների ներկայացուցիչները գումարեցին առանձին ժողով, որի ընթացքում քննարկվեցին ընդհանուր հետաքրքրություններ կայացնող հարցեր, այդ թվում նաև՝ հատուկ հանձնախմբի կազմության հարցը: Որոշվեց, որ Ուղղափառ Եկեղեցիների ներկայացուցիչների համաժողովում հանդիպում կգումարվի և մեկ անգամ՝ շաբաթ օրը:

Կազմվեցին խմբեր և ենթախմբեր: Մայր Աթոռ Ս. Էջմիածին ներկայացուցիչներից Տ. Աղան արքեպս. Պալիոզյանն ընդգրկվեց ծրագրային հանձնախմբում, օր. Սիլվա Ղազեյանը՝ թիվ 2 ուղեցույց հանձնախմբում:

ԵՅԽ կենտրոնական վարչությունն օգոստոսի 31-ից սեպտեմբերի 1-ը շարունակեց իր աշխատանքները առանձին հանձնախմբերում:

Օգոստոսի 31-ի երեկոյան նորակազմ «Հատուկ հանձնախմբի» ուղղափառ և ոչ ուղղափառ անդամները գումարեցին իրենց անդրանիկ միստը, որի ընթացքում տեղի ունեցավ կարծիքների փոխանակում, միաժամանակ որոշվեց հանձնախմբի հաջորդ ժողովը գումարել սույն թվականի դեկտեմբերի առաջին շաբաթվա ընթացքում: Այս միստում Հայաստանյայց Եկեղեցին ներկայացրեց Տ. Աղան արքեպս. Պալիոզյանը: Որոշվեց, որ առաջիկա ժողովին յուրաքանչյուր ներկայացուցիչ իր ելույթում պարտադիր համադրի իր հարազատ Եկեղեցին Ուղղափառ երկու Եկեղեցիների հետ:

Սեպտեմբերի 1-ին Տիեզերական Պատրիարքության ժնկի առաջնորդ Ղամասկինոս Սրբազանի կողմից տրվեց պաշտոնական ընդունելություն՝ չի պատիվ ԵՂԻ-ի կենտրոնական վարչության Ուղղափառ Եկեղեցիների եկեղեցական և աշխարհական մասնակից անդամների:

Սեպտեմբերի 3-ին տեղի ունեցավ ԵՂԻ-ի կենտրոնական կոմիտեի հերթական ժողովի պաշտոնական փակումը: Եկեղեցական հատուկ արարողության մաս կազմեցին նաև ոսկեդենիկ հայերենով հնչած աղոթքը և հոգևոր երգը:

ՄԱՅՐ ԱԹՈՌԻ ՄԱՍԼՈ ՂԻՎԱՆ